

**Канон молебный ко Пресвятой
Богородице, поемый во всякой
скорби душевной и обстоянии**

Глас 8-й

Песнь 1

Ирмос: Воду прошэд яко сүшу, и египетскаго зла избежав, израильтянин вопияше: Избавителю и Бóгу нáшему пойм.

Припев: Пресвятáя Богорóдице, спаси нас.

Мно́гими содержи́мь напáстьми, к Тебé прибегаю, спасéния искый: о, Мáти Слóва и Дéво, от тяжких и лю́тых мя спаси.

Пресвятáя Богорóдице, спаси нас.

Страстéй мя смущáют прилóзи, мно́гаго уны́ния испóлнити мою́ дýшу; умири́, Отрокови́це, тишино́ю Сы́на и Бóга Твоегó, Всенепорóчная.

Слава: Спáса рóждшую Тя и Бóга, молю́, Дéво, избáвители ми лю́тых: к Тебé бо ны́не прибега́я, простираю́ и дýшу и помышлéние.

И ныне: Недúгующа тéлом и душéю, посещéния Божéственного и промыслéния от Тебé сподóби, ед́ина Богомáти, яко Благáя, Благáго же Родительница.

Песнь 3

Ирмос: Небéснаго крúга Верхотворче Гóсподи, и Цéркве Зиждителю, Ты менé утверди́ в любви́ Твоей, желáний краю́, вёрных утверждéние, ед́ине Человеколю́бче.

Пресвятáя Богорóдице, спаси нас.

Предстáтельство и покрóв жи́зни моея́ полагаю́ Тя, Богородительнице Дéво: Ты мя окорми́ ко пристáнищу Твоему́, благих винóвна, вёрных утверждéние, ед́ина Всепéтая.

Пресвятáя Богорóдице, спаси нас.

Молю́, Дéво, душе́вное смущéние и печáли моея́ бýрю разорíti: Ты бо, Богоневéстная, начальника тишины́ Христá родила́ еси́, ед́ина Пречистая.

Слава: Благодéтеля рóждши дóбрых винóвнаго, благодéяния богáтство всем источи́, вся бо мóжеша, яко сильнаго в крéпости Христá рóждши, Богоблажéнная.

И ныне: Лю́тыми недúги и болéзненными страстьми́ истязáему, Дéво, Ты ми помоги́: исцелéний бо неоскúдное Тя знаю́ сокровище, Пренепорóчная, неизживáемое.

Спасі от бед рабы́ Твоя́, Богоро́дице, я́ко вси по Бóзе к Тебе́ прибега́ем, я́ко неруши́мей стене́ и предста́тельству.

При́зри благосе́рдием, всепе́тая Богоро́дице, на моё лю́тое телесе́ озлобле́ние, и исцели́ души́ моея́ болéзнь.

Тропарь, глас 2-й

Молéние тёплое и стена́ необори́мая, ми́лости исто́чнице, ми́рови прибе́жище, приле́жно вопи́ем Ти: Богоро́дице Влады́чице, предва́ри, и от бед изба́ви нас, еди́на вско́ре предста́тельствующая.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твоё Божество́.

Пресвята́я Богоро́дице, спаси́ нас.

Страсте́й мо́их смущéние, ко́рмчию ро́ждшая Го́спода, и бу́рю ути́ши мо́их прегреше́ний, Богоневéстная.

Пресвята́я Богоро́дице, спаси́ нас.

Милосе́рдия Твоего́ бе́здну призыва́ющу пода́ждь ми, Я́же Благосе́рдаго ро́ждшая и Спа́са всех пою́щих Тя.

Пресвята́я Богоро́дице, спаси́ нас.

Наслажда́ющесея, Пречи́стая, Тво́их дарова́ний, благода́рственное воспева́ем пéние, ве́дуще Тя Богома́терь.

Слава: На одре́ болéзни моея́ и немо́щи низлежа́щу ми, я́ко Боголю́бива, помози́, Богоро́дице, еди́на Присноде́во.

И ныне: Наде́жду и утвержде́ние и спасéния стéну недви́жиму иму́ще Тя, Всепе́тая, неудобства́ вся́каго избавля́емся.

Песнь 5

Ирмос: Просвети́ нас повелéнии Тво́ими, Го́споди, и мы́шцею Твое́ю висо́кою Твой мир пода́ждь нам, Человеколю́бце.

Пресвята́я Богоро́дице, спаси́ нас.

Исполни́, Чи́стая, весе́лия се́рдце моё, Твою́ нетле́нную даю́щи ра́дость, весе́лия ро́ждшая вино́внаго.

Пресвята́я Богоро́дице, спаси́ нас.

Избáви нас от бед, Богорóдице Чíстая, вéчное рóждши избавлéние, и мир, всяк ум преимúщий.

Слава: Разрешí мглу прегрешéний моíх, Богоневéсто, просвещéнием Твоея свéтлости, Свет рóждшая Божéственный и превéчный.

И ныне: Исцели́, Чíстая, душí мояя неможéние, посещéния Твоегó сподóбльшая, и здравие молíтвами Твоими подáждь ми.

Песнь 6

Ирмос: Молíтву пролию́ ко Гóсподу, и Тому́ возвещу́ печáли моя́, я́ко зол душá моя́ испóлнится, и живóт мой áду прибли́жися, и молю́ся я́ко Ио́на: от тли, Бóже, возведí мя.

Пресвятáя Богорóдице, спасí нас.

Смéрти и тли я́ко спасл есть, Сам Ся издáв смéрти, тлéнием и смéртию моé естество́ я́то бýвшее, Дéво, моли́ Гóспода и Сы́на Твоегó, врагóв злодéйствия мя избáвити.

Пресвятáя Богорóдице, спасí нас.

Предстáтельница Тя животá вем и Хранíтельница твёрду, Дéво, и напáстей решáщу молвы́, и нало́ги бесóв отгоня́ющу; и молю́ся всегдá, от тли страстéй моíх избáвити мя.

Слава: Я́ко стéну прибéжища стяжáхом, и душ́ всесовершенное спасéние, и пространство в скóрбех, Отроковíце, и просвещéнием Твоим прíсно радуемся: о, Влады́чице, и ны́не нас от страстéй и бед спасí.

И ныне: На одрэ́ ны́не немощствúяй лежý, и несть исцелéния плóти моéй: но, Бóга и Спáса мíру и Избáвителя недúгов рóждшая, Тебé молю́ся, Благо́й: от тли недúг возстáви мя.

Кондак, глас 6-й

Предстáтельство христиáн непосты́дное, ходата́йство ко Творцú непрелóжное, не прéзри грéшных молéний глáсы, но предвари́, я́ко Благо́я, на пóмощь нас, вёрно зовúщих Ти; ускори́ на молíтву, и пощíся на умолéние, предстáтельствующи прíсно, Богорóдице, чтúщих Тя.

Другой кондак, глас тот же

Не íмамы инýя пóмощи, не íмамы инýя надéжды, рáзве Тебé, Пречíстая Дéво. Ты нам помози́, на Тебé надéемся, и Тобóю хвáлимся, Твои́ бо есмý рабы́, да не постыд́мся.

Стихира, глас тот же

Не ввѣри мя человѣческому предстательству, Пресвятая Владычице, но прими моление раба Твоего: скорбь бо обдержит мя, терпети не могу дѣмонскаго стреляннѣя, покрѣва не имам, ниже где прибегну окаяннѣй, всегда побеждаемъ, и утешения не имам, разве Тебѣ, Владычице мѣра, упование и предстательство вѣрных, не презри моление мое, полезно сотвори.

Песнь 7

Ирмос: От Иудѣи дошедше отроцы, в Вавилоне иногда, вероу Троицкою пламень пещный попраша, поюще: отецъ Божѣ, благословенъ еси.

Пресвятая Богородице, спаси нас.

Наше спасение якоже восхотелъ еси, Спасе, устроить, во утробу Девы вселился еси, юже миру Предстательницу показалъ еси: отецъ нашихъ Божѣ, благословенъ еси.

Пресвятая Богородице, спаси нас.

Волителя милости, Егже родила еси, Мати чистая, умоли избавитися от прегрешений и душевныхъ сквернъ вероу зовущимъ: отецъ нашихъ Божѣ, благословенъ еси.

Слава: Сокровище спасения и Источникъ нетления, Тя рождшую, и столп утверждения, и дверь покаяния, зовущимъ показалъ еси: отецъ нашихъ Божѣ, благословенъ еси.

И ныне: Телесныя слабости и душевныя недуги, Богородительнице, любовью приступающихъ к крову Твоему, Дево, исцелити сподоби, Спаса Христа нам рождшая.

Песнь 8

Ирмос: Царя Небеснаго, Егже поютъ вси ангельстии, хвалите и превозносите во вся вѣки.

Пресвятая Богородице, спаси нас.

Помощи яже от Тебѣ требующий не презри, Дево, поущия и превозносящия Тя во вѣки.

Пресвятая Богородице, спаси нас.

Неможение души моея исцеляеши и телесныя болѣзни, Дево, да Тя прославлю, Чистая, во вѣки.

Слава: Исцелений богатство изливаеши верно поющим Тя, Деве, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Деве: темже Тя поем во вся веки.

Песнь 9

Ирмос: Воистинну Богородицу Тя исповедуем, спасеннии Тобою, Деве Чистая, с безплотными лики Тя величающе.

Пресвятая Богородице, спаси нас.

Тока слез моих не отврати, Яже от всякаго лица всяку слезу, отъемшаго, Деве, Христа рождающая.

Пресвятая Богородице, спаси нас.

Радости мое сердце исполни, Деве, Яже радости приемшая исполнение, греховную печаль потребляющи.

Пресвятая Богородице, спаси нас.

Пристанище и предстательство к Тебе прибегающих буди, Деве, и стена нерушимая, прибежище же и покров и веселие.

Слава: Света Твоего зарями просвети, Деве, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Деве, исцели, из нездравия во здравие претворяющи.

Стихиры, глас 2-й

Высшую небес и чистую светлостей солнечных, избавльшую нас от клятвы, Владычицу мира песнями почитим.

От многих моих грехов немощствует тело, немощствует и душа моя; к Тебе прибегаю, Благодатней, надежду ненадежных, Ты ми помози.

Владычице и Мати Избавителя, прими моление недостойных раб Твоих, да ходатайствуеши к Рождшемуся от Тебе; о, Владычице мира, буди Ходатаица!

Пою прилежно Тебе песнь ныне, Всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двенадцатице, святии вси с Богородицею, сотворите молитву, во еже спастися нам.

Молитвы ко Пресвятой Богородице

Царіце моя преблагая, надéждо моя Богорóдице, приятелище сѣрых и странннх Предстáтельница, скорбящих радосте, обидимых Покровительнице! Зрѣши мою беду, зрѣши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебѣ, ни инья Предстáтельницы, ни Благія Утѣшительницы, токмо Тебѣ, о Богомáти, яко да сохраниши мя и покрѣши во вѣки вѣков. Амѣнь.

К кому возопію, Владычице? К кому прибѣгну в горести моей, аще не к Тебѣ, Царіце Небѣсная? Кто плач мой и воздыхание мое приимет, аще не Ты, Пренепорóчная, надéждо христиán и прибѣжище нам грѣшным? Кто пáче Тебѣ в напáстех защитит? Услыши úбо стенание мое, и приклони úхо Твое ко мне, Владычице Мáти Бóга моего, и не презри мене, трéбующаго Твоея помощи, и не отрини мене грѣшнаго. Вразуми и научи мя, Царіце Небѣсная; не отступи от мене раба Твоего, Владычице, за роптание мое, но буди мне Мáти и Заступница. Вручаю себѣ мѣлостивому покрову Твоему: приведи мя грѣшнаго к тѣхой и безмятѣжней жизни, да плачуся о гресѣх моих. К кому бо прибегну повинный аз, аще не к Тебѣ, упованию и прибѣжищу грѣшннх, надéждою на неизреченную мѣлость Твою и щедрóты Твоя окрѣляемъ? О, Владычице Царіце Небѣсная! Ты мне упование и прибѣжище, покров и заступлѣние и пóмощь. Царіце моя Преблагая и скóрая Заступнице! Покрый Твоим ходáтайством моя прегрѣшения, защити мене от враг вѣдимых и невѣдимых; умягчи сердца злых человек, возстающих на мя. О, Мáти Гóспода моего Творца! Ты еси корень дѣвства и неувядаемый цвет чистоты. О, Богородительнице! Ты подаждь ми пóмощь немощствующему плотскими страстьми и болѣзнующему сердцем, едино бо Твое и с Тобóю Твоего Сына и Бóга нашего имам заступлѣние; и Твоим пречудным заступлѣнием да избáвлюся от всякия бѣды и напáсти, о Пренепорóчная и Преслáвная Бóжия Мáти Маріе. Тѣмже со упованием глаголю и вопию: радуйся, благодáтная, радуйся, обрадованная; радуйся, преблагословенная, Гóсподь с Тобóю.